

يا كفيل العايلة هالمدامع سايله

عُربه وَايتام حيره وَاَلام

آني زينب غيّرت وجهي المحن
شبيبت راسي دواهي هالزمن
دار ما عندي غريبه ابلا وطن
أقطع دروب اليسر بضـعوني

راحوا اهلي واتركوني بهالبلد
كربلا الما بقّت اخوه اولاً ولد
أرض قفره شلون اظل بلا سند
أنوخذ قوه العدا يسـبوني

وين ابو النفس الغيوره كافي
يرفع احمال البلا عن كاهلي
يذّب عنّي هالعدا ضنوة علي
يفزع اعليّه يحامي دوني

قولوا له أختك أسيره بهالافلا
فُرجه تتصفّح وجهها هالملا
خل يجي يعاين عمايل كربلا
أدري خويه ما يخيب اظنوني

هذا عباس الشهم نعم الكفيل
طول اغيابه قُرب وقت الرحيل
خوفي اتقتطّر على الغبره جديل
وينه طايح يا خلق دأوني

جيش ابن سفيان غار اعلاه الخدر
لو هو حي عباس ما هتكوا الستر
او لا نحر لحسين ما حزه الثمر
على الناقيه مو كفو ايركبوني

أشجع الفرسان في سُوح القتال
عيد عنده الحَرْبُ لِي حان النزال
من رعيده تِرجف جُيوش الضلال
ناصر المظالم نور عيونني

ما ألومه أدري ابطبعه الوفا
عذره عنده لو إليّه ما لفي
حقّي اسأل هذا جفني ما غفا
چيف انه اهجع بعده اينذوني

حرمه مسييه أسير اويه الغُرب
بين كوفي وشامي أني انضُرب
قوم يا عباس من نوم التُرب
عاين اجموع العدا يحوطوني

رَحلي ايسوقه زجر سَوق العبيد
أدخل الشامات او بيديني الحديد
وانظر بُعالي الرمح راس الشهيد
بس من ابجي هالعدا يضربوني